

石

蓮

閣

詩

石蓮閣詩卷四

庚辰以後詩上

海豐吳重憲仲懌

題芷山畫萬芭便面

嫩葉含煙甲帶泥
甜於蘿蔔脆於梨
菜根風味休忘卻
春雨官齋細品題

項城行館讀會試題名

結習牽纏俗吏腸
故人幾輩姓名香
一絲蠶繭情終縛
百足蟲心死不彊
歧路安排新步驟
前塵埋沒舊行藏
風檐六十三天事
付與春婆作夢場

冬齋雜遣

石渠寶笈卷四
新糊斗室禦嚴風六扇玻璃對遠空
牆裏地高牆外矮半城煙樹在窗中

滿牆菊影任橫斜銀燭秋光冷碧紗
相伴數尊惟古佛絕無倦態對黃花

築室數楹堪與者各持一說不能折衷也
聊賦小詩用以自解

寄宿鄉亭陳伯敬不拘時日郭桓鍾
從來地理輸人理一洗游移芥蒂胸

衙齋雜遣

冷淡官衙似閉門簿書堆裏易朝昏
安閑長羨眉無用煩

惱多綠首未髡魚豕時生鬻校悟螳蟬早泯軫微痕料量
退院僧寮計霜露東園芥已孫

連錢新綠砌生苔暫掃空齋避俗埃戶破雀銜殘紙去門
閑蛛絡遠絲來關心兒讀書排架笑口朋懽酒上杯一事
略能消寂寞畦邊抱甕日徘徊

就樹營齋蠹短簷秋陰依舊綠遮簾紅磨硯露官書冗碧
透窗紗夜冷尖險境耐嘗蓮子苦老懷倒噉蔗根甜無聊
暫學莊蒙達繭紙毛椎久不拈

七度春闈一過艱十年執掌住長安功名我已甘雞口境
地天仍付鼠肝災後黔黎爲盜易涸餘心血任官難蓮溪

俎豆先型在

仲伯祖昔令項城祀蓮溪書院珍重無令舊德刊

辛巳九月由周家口登舟至紙店憶自戊申年從粵西隨侍來豫後卽未厯水程今已三十四年矣

磨熱輪蹄鐵屨穿浮生又上木蘭船沅湘舊夢幾千里
葛光陰三十年夜霧白吞雙岸樹曉晴紅破一河煙
勞心案牘事暫結菰蘆兩日緣

回帆

此去卽清潁回帆逆怒瀧枌榆緣繹路雲樹駛蓬窗
影迅奔馬舵樓閑睡厖沙鷗驚不起相狎一雙雙

江村夜雨

廿年事奔走旅舍對孤檠一夜廉纖雨三更寂寞情但餘
心輾轉倍助景淒清此夜江村館瀟瀟聽到明

聞張梅臣訃

卯冬曾記賦南馳送別家山把一卮我正黑頭君更少誰
知永訣卽斯時

拓開元天寶磚瓦四種補以梅枝

唐代官窯舊聖文數枝香雪綴續紛廣平豔說梅花賦開
寶興衰此際分

癸未嘉平按部太康宋學博芳節以老乞休根觸於
懷輿中成此

銅符解去一身輕
羨爾歸飛倦羽情
辭弋冥鴻身駘宕
無糧野鶴氣縱橫
蕁鱸志願遲張翰
婚嫁心腸累向平
更有最難回首處
田廬何計問歸耕

時故鄉正苦黃流泛濫

乙酉立秋日送三兒歸東省初次鄉試

庭梧片影下斜暉
送爾觀場赴棘闈
入夢蕁鱸千里隔
辭巢乳燕一行飛
高科敢望能登第
遠道長征祝早歸
兩月爲期非甚暫
莫教倚徧署前扉

觀魚

幾番涼雨洗塵氛
曉起觀魚當習勤
秋色一天開水底
半缸花影半缸雲

題庾生姪風雪訪專圖

姪罷諫職游陳得斷專三百盡覆黃流僅存此幅

剔蘚剝苔覺斷專或分或篆不知年最奇忠信沈寒井縱

涉波濤自坦然

陳州城西北隅忽出古井得舊專皆有忠信二分書的是漢物並出古磁數事

相傳光武有遺基南頓千秋是故祠他日同人傳拓本荒村風雪憶當時

窗中望雪

一重林木一重檐檐雪都同林雪黏白玉樓臺瓊玉樹一時耐冷傲重簾

戊子七夕送俊谷甥偕三兒同歸涉南秋試並弔梅臣故友兼寄庾生姪康熙戊子俊谷與吾家先世同

榜也

兩家譜牒舊源長百八年前字共芳
歷下秋風懷杜碧唐
家夏課重槐黃應劉已赴修文召咸籍曾來選佛場
雲路可容豚附驥捷音早盼到宣房

時鄭工未合

已丑七月十三日兒輩東歸鄉試對見先期赴北闈

中元對月拈此

前夜西風落井梧遠懷日下近明湖
書香聊望科名繼家
世難憑地運扶

時姁姁在里修墓

月遇十三嗟閨厄子生八九歎

烏逋步檐時作觀空想虛寂終慙論不儒

已丑八月卓異入 覲留別陳州寅僚紳庶

典守淮陽十載零雲萍久住亦前型

先會祖守黃州十六年先君子守南安六

年汲公閣靜三人月裴相堂開幾客星

晉公綠野堂在河北陳州亦有綠野

堂坐歎南陽成瑒諺打頭學舍子由亭而今勞燕分飛去

草草驪歌不忍聽

儲材爲楫並爲霖珍重臨歧企望心幾輩前矛人拔幟

乙酉

商水屠生爾敏得選拔西華呂生應南項城張生鎮芳沈邱李生應樟捷秋榜均府試前列

連年講藝

樹成陰

淮甯于生雲樓唐生巨峯得選拔任生鎮南捷秋榜均書院肄業

梁園詞賦增新

課予於府試專設詩古謝客文章助討尋

重刻謝疊山先生文章軌範置

書院中並刊絃歌演嘯兩書院課藝

士品更須先器識從來受益在虛深

草生花落兩相忘修廢原非事改張四十里隄興畚鍤

城隄

於丁亥八月重修並以工代賑予日親督飭

二千年統煥宮牆

文廟於癸未重修麗譙

復舊題新楔

四城樓昔本重檐仍還其故式

義塾崇經列素綃

新建崇經義塾置書

籍於樓上

慙媿我無對山筆武功志未續縹緲

欲續修郡志而未果

金堤蟻穴潰西風

丁亥八月河決鄭州

全郡波濤激盪中疲力兩年

嗟涸鮒傷心百萬對嗷鴻筏經地險津爭問

子與各屬均覓船隻濟渡

粟煮

天困竈不空

各縣均開廠煮粥並奉旨撥東南漕米

怡喜龍門冬月

合重看七邑起農功

大府封章許暫留

撫院以賑務未完奏請暫緩引見

邇來粥賑事全收觀

光倍切觚稜夢判襪翻生祖席愁紫陌朝

天隨仗馬青

郊課雨間耕牛恰逢造榜重陽日聽取佳音報舊游

是科西華

劉生子愷商水屠生爾敏胡生裕芳項城余生師
銘楊生凌閣張生淑棟扶溝溫生玉如均中式

己丑九月二十九日入 觀北上行次黎陽黃小宋
大令邀住衙齋歷觀官閣諸勝復繪乘風就日圖題
句見贈卽用所步陸梧山觀察原韻爲謝

有客朝 天去言從潁水來九秋逢盛饒百里惜長才曲
入挹浮榭遙登觀稼臺重陽欣再展籬菊恰初開

問津將北渡冠蓋總經過幸近蘇門歎還聽易水歌同舟
思李郭覓句續陰何酷嗜黃香草倉山好不阿

次日同游大伾賦廿八字奉小宋大令

三丰畫像留青石大佛金身放白毫爭似農家邢福姐孤

墳三尺比山高墳在山麓

和蓮生太史詩卷原韻

帝里風光尙儼然銅餅初凍未全堅
續殘茅店三更夢來趁梅花十月天
契濶頻煩魚寄素過從常控馬連錢
卷中珠玉塵難步神妙秋毫早到顛

書窺中秘有藜然善本應教補孟堅
君已得慶元本范書金遇習聞

都擲地石登新獲欲驚天
新拓好大王碑六朝妙墨成碑錄公著

北朝貞石錄半幅生綃蓄畫錢
公已得香光題天下第一董每元畫尙復物色江南半幅

數錦城舊游事當年曾作海棠顛

嘉平二日孔家馬頭早發

長途扶病裹征裘
子夜衝寒發馬頭
碾碎瓊瑤三十里
滿天風雪過雄州

雙陂夾鏡路迢遙
鈴柝聲聲破寂寥
曉色微茫認何處
回頭一十二連橋

九日行次開州幾無晚食

兩年煮粥振飢窮
此日窮途歎屢空
晚飯最宜惟一粥
前身我定是嗷鴻

題張夢晉歲寒三友圖爲易仲碩觀察作觀察仙述
爲夢晉後身也

庚寅

繡衣持斧大河濱
偶向山塘證夙因
醉倒三生片石上
淡

黃明月話前身

佛說輪迴事有無後先蹤跡不模糊拋將活色生香筆來

寫黃河遠上圖

觀察領河圖局用測量畫河圖

生綃一幅寫啼痕畫裏崔微記尙存不見春風鏡中面丹

青亦解入侯門

崔瑩小像聞在嵩嶺山尙書家

與君曾定歲寒盟勁節橫枝憶寫生我有換鷺圖一幅曾

因莒敦饋延平

子家舊藏夢晉畫今歸利津李氏

河南藩庫藏隋仁壽二年舍利塔銘

將陵塔圯工難鳩舍利分得明珠俸戊寅曾來雲罩游

山盤

絕辟支舍利如安榴五十三年日如流得見指僅兩度樓

其餘函塔繁星稠六朝唐代人爭授仁壽此石堪稱尤上
爲皇帝福惠求如此至寶誰能收深藏久在大盈陬黃縣
方伯今膠侯璫蠟乃作傳世謀拓壁疑是月魄幽張空或
認槃雲浮開耀石函完如甌卅年愛護儕琳瑯儼此天地
方圓儔先藏開耀舍利函作方池形褒池欲乞同人謳引玉先作磚石
投因緣文字留千秋

陳九蘭幡詞

記得東軒靜春明問道初共沽燕市酒爭訪海王書敢謂
不羈馬居然同隊魚前塵成露電夢境恰相如

記得琤香庵初停厯下驂榻留徐孺子詩論李樊南教受

冰清益香慙月窟探年光驚廿九往事憶何堪

記得歲寒堂尋君肄業鄉緣陰邀笛步紅樹讀書牀空有
蒹葭溯禁無松栢蒼東南亭子上秋稼憶登場

記得春明寓提筐逐隊嬉風檐斲輪手月樣入時眉憎命
文難恃窮途哭不辭泥金一張帖相媿竟無期

記得雙龍樹春風哭杏花光陰痛流水爾我共天涯舊雨
違心契新霜上髭華名山韜璞玉終未貢皇家

記得天甯寺嗟君馬首東深杯拚百罰短笛聽三終虛閣
憑闌際浮圖落照中自今成大別雪涕一臨風

記得壺齋裏高軒幾度過縹緲共欣賞金石費摩挲花暖

欣開徑冰寒送渡河一麾來宦海蘿薜負巖阿

記得街南宅曾偕李丈來護幃悲執紼椿蔭喜循陔商榷
東勞詠流連北海杯幾番談不倦曙色每相催

記得松筠宅君因就我租時新薦蝦菜鄉味忘莼鱸文譽
楊修重腰支沈約癰宣南風雨夜書札每相呼

記得雙桐屋曾容假數椽文章三別足裘葛五經年自典
蘇耽郡頻疏伯向箋黃壚殷問訊何處達重泉

辛卯四月渡河書所見

一帆輕渡大河隈堤堰重重折復迴東鄆嬌黃西鄆綠菜
花相間麥苗開

辛卯七月二十對幽兩兒往就欽兒同應京兆試是
日予以公事在柳園口目送其北渡

槐忙送汝覓登科秋賦匆匆四度過千里夢魂縈病母一
帆煙雨渡黃河歸途莫戀王陽阪獻藝休忘束皙歌我亦
龍門同執役光陰轉眼易蹉跎

靈隱雪舟上人雲游來汴以畫相投長歌奉報

平生未踏西湖路夢魂時繞西湖曲六橋迤邐接韜光披
圖一一縈心目先子昔接世外交六舟開士乘休沐摹金
拓石點丹青至今妙墨牛腰束上人卓錫飛來峰自向南
屏結茅屋偶然行腳到梁園芒屨帶得湖光綠達公

六舟
法名

達
受退院三十年吾師曾否親追逐不我遐棄繆賞音解包
投贈雲煙幅嗟予世網脫不得馬頭終日塵埃撲談詩讀
畫了無緣何暇再問黃梅熟他時策杖負大瓢從公遠涉
孤山麓願以此詩作左券請質山靈山勿忽

辛卯八月九日巡視闡場與黃小宋大令同游上方
寺觀琉塔記幼時來此已四十二年

道光己酉曾游此回首滄桑幾劫灰塔上仙靈應識我十
齡童子又重來

更無處問望梅亭

前游飲
於此處

祇有浮圖插漢青舊雨停雲數

人海難尋遺老似晨星

除夕

兒女團圓坐夜闌
屠蘇酒暖歲華寒
案頭打起春燈稿
畫箇鮎魚上竹竿

壬辰元旦得雪五日迎春又得雪
次滿觀察以元旦喜雪詩見示長歌作答

光緒辛卯歲有秋百錢斗米值能酬
麥苗普播青成溝
一冬無雪長吏憂
至誠能感召元旦應祈求
越五日立春大屑琅玕璆
街市遍騰歡蔀屋成吟謳
過門忽得錦囊字
白戰不許寸鐵道
風塵下走疏筆硯
奇句難向枯腸搜
聚星禁體那敢道
聊述兩家氣味以當縞紵
投延陵觀察夙抱

奇異質青年甲第不作瀛洲遊繡衣持身節來唱梁園騶
兩世三世論交誼情意更比濃雲稠念我先人曾忝文節
薦承宣四省乃克勤謨猷吁嗟不肖析薪媿負荷水曹一
紀典守來陳州十年資格已在積薪下量移繁劇慙媿隨
包歐移風與易俗古道談無由催科與撫字優絀分競綵
胡爲廢爵祿宦海長羈留憶從銅瓦廂河決不復修田園
付尾閭松菊歸洪流旣不能爲閉門高卧漢袁安又不能
如新豐奇遇唐馬周腳韉手版終日走不休赭汗流馬尾
黃塵滾馬頭領袖又三年青綬更能不所幸時歲稔宦拙
堪藏鳩且製辛盤進春酒大會賦雪梁園儔門外嚴風又

吹殘雪落一尊大白共對梅花浮

上元日再集信陵君祠

虛左亭高正夕曛上元放假萃同羣雪消萬井城邊樹日
麗雙標塔外雲黃鶯尙留明舊邸金梁爭說宋新聞春波
萍合殊非偶騎馬歸時酒已曛

送濮青士太守回南陽任

岱華兩嶽雲各能致霖雨天風引之來適然作相與雨霽
互歸岫膚寸在何許有心與無心難以測測穹宇
薰猶無定味美醜無定形今日康與莊昨日榛與荆笑彼
行路人少見翻多驚君子慎跬步忠信波濤平

涓川朱曲爲鄭東里地有子產遺祠

未涉溱洧流田原殊井井桑麻雲葉稠禾黍露華冷道左
有遺祠東里字炯炯鄭國古聞人風裁廟以整乃用乘輿
濟辟人君子省我思今日世梯航萬里迴譬如春秋時列
國互機警賢才秉鈞軸邦交和不梗弱虞國事非強恐邊
釁逞太平既已久寬大容頑獷試思鄭小國兩大爭管領
苟非國僑力顛覆在俄頃前跡後人躅弔古發深憬敢告
平政人其次莫如猛

蔭槐亭觀察

保

解組還京

未老抽簪感索居清風高躅近誰如 國恩優許歸三輔

祖帳榮於餞二疏鷗沒誰知波浩蕩鴻冥那計弋躊躇尊
忠陽孝今兼盡知對松楸樂復初

壬辰九日行部南陽姚靄雲道士置菊以酬佳節

重陽節侯宛南秋訪友來登竹院樓庭下黃花三百盞端
應一盞一杯酬

回廊曲檻抱淪漣更起新軒擬畫船合教賢山信陽名讓精

潔歸途如夢小游仙

西來

桐柏西來十二城城城淹滯駐行旌銷魂簾捲黃花瘦難
爲歸人計日程

九月廿四日宿扳倒井光武廟

幼時曾走昆陽道玉照堂中侍兩親四十三年悲逝水前
維庚戌後壬辰

小亭方整玉涓涓庭樹池荷尙儼然一自地靈知效順長
教過客品名泉

十載陳州作守時曾從南頓拜荒祠淖泔麥飯蕪糞粥班
氏偏遺水一卮

曉坐梯雲樓

紫雲東護綠雲西桐樹新華杏葉齊行到樓頭渾不覺陂
陀石磴當緣梯

癸已在信陽對幽兩兒就嶽兒北闕同應鄉試兒輩
去年閏六月十八日到信陽今年六月十七日北行
恰一年也

連翻雁羽不嫌單又逐槐黃近上闕一載戊申同燕壘十

年獻賦豔鵬搏圖書已付飛灰劫鐘鼎猶餘秘本刊

幽攜所摹

摺古錄金文以行

幸藉郵筒堪報汝卧牀病母强加餐

病室飲食非對侍不

進次科甲午奉母而行自後遂不復赴試

聞根

萬籟銷沈後聞根契靜緣晨光高樹鳥午日綠陰蟬絡緯
喧如紡寒蠶絮似絃車塵與馬足在自聽喧闌

重陽日獨坐梯雲樓望兒輩歸來

菊黃萸紫又深秋日日歸程計遠郵三月音書頻付雁重
陽風雨強登樓宦情澹泊憐雲影家計浮沈託水漚無力
買山慙戀棧年華六十欲平頭

郾城小商橋宋楊將軍再興殉節處廟在道左迭次
經過未及入謁甲午六月卸篆南汝乃展瞻拜之禮
人生誰不惜骨肉一身迺容二升鏃孤軍力抗小商橋十
二萬軍如褻足龍虎蓋天與韓常三路合兵肆殺戮忍死
以待張憲來眼枯遂看矢乘屋城頭被射面如蝟雷萬春
疑是土木將軍慘烈十倍之天困忠良事何酷將軍本是

曹成卒武穆精忠能感觸以身許國報知己主帥抱屍眞
痛哭行人讀碑至此事時曠千秋淚如續萬里長城甘自
壞屬鏤齒劍懸吾目格天賜額墨猶新舟山遂至湛邦族
嗚呼有此良將不恢復嗟哉天水祚原促

五十八歲初度追念亾姪姪客年正月歿

廿載浮沈入宦途風波險處一帆孤世修早向黃泉死誰
畫扁舟泛五湖

宣生尙衣

常山

秩滿回都

同時于役近 橋山詩句曾留紫翠間廿載重嗟勞燕別
兩年歸侍鸞鵠班莫愁湖上新留戀徐福舟中舊往還幾

日秋風潞河道可能杯酒慰離筵

由南運口渡河書所見

禾黍被隴少隙地桑麻鋪棻無盡株平疇不見河流處一
片帆檣轉綠蕪

黃流洶湧忽前橫萬斛龍驤一葉輕高映雲霞低嶺樹沿
河迤邐綵旗明

陶城堡

銜尾連檣五百舟陶城堡上苦淹留

時大河水落
不能出黃

中宵幽

景人難見舳舻外黃河映月流

推篷日對水潏潏沙鳥風帆自往還東望數峯青撲面不

殊江上六朝山

黑水洋觀日出

雲歛天空海曙寬
無風澎湃自驚湍
似將萬頃英州石
供上黃金橘一丸

補和江南丁酉秋闈倡和原韻寄呈監臨趙展如司

冠並東提調李藝淵

惟翰

監試何端甫

煥章

兩觀察

珊瑚結網玉量材
撒棘爭看蕊榜開
天遣遙臨遴軾轍

聖恩內召重伊萊
薪能傳火無窮盡
燈說掄元有自來

此日煎茶修故事
簾前擊鉢莫相催

我來已近小陽天
回憶槐黃逐隊年
曾負崆峒文字約
幸

聯大復棗梨緣

昔守陳州扶溝人請刻崆峒集以量移中
輟嗣權南汝乃得刻大復集李何詩緣後

先

千秋白雪臨池和六代青山抱郭圓步武長楊從校

藝

時子派武
闡內提調

四侯試看射之顛

寄和丁酉秋闈河南主試管士一太史喜雨倡和元

韻

聽鼓夷門十八秋兩河杞梓夙曾收爲霖要副興朝夢

觸石當爲天下憂虛左亭高曾詠絮鑒衡堂秘報鳴鳩九

州揚豫原同壤楚漢無須界劃溝

正是焚香選卷時幾人琴旨合牙期榮持太史東山節來

謁名賢北宋祠

汴梁北宋名賢祠許文
敏叔建在二會祠後

雲樹空生江左望

石蓮閣詩卷四

共

天心若向豫南私

癸巳甲午丁酉三科豫南書院皆獲雋數人

名經來歲開千

佛要仗仙航萬里慈

丁酉除夕感時書事

海外扶桑拂日青垂陰接葉長東溟飛黃不起臺灣島
莫難聯北幕庭講信僅能歸衛地乞師空說哭秦廷從今
欲壑成無底括盡金縢債不停

浪談鐵馬與金戈礮火叢中奈敵何
擧起句驪緣本細戰思越雉算遺多
樓船從此無楊僕椎髻誰人折尉佗
重到新亭應涕下不堪目對舊山河

眈眈虎視起羣邊籌策無方失國權
誑楚商於原六里窺

臣鄰女已三年九州鼎重非當問一著碁輸讓占先不及

和元南宋日瑩中猶飾福華編

時有廖令陳事

吹求疵垢扣嚴關萬里膠萊任往還甌脫不如黃歇浦權
場開到鹿門山齊疆東畝車行利佳境通微楔允頒幸免
李綱成廢棄陳東袖疏一開顏

天險岷江接海長相連七澤與三湘酣歌坐我沈舟裏
斲睡容人卧榻旁鸛鰈幾家矜戰伐犧牲二境困輸將中原
今古開奇局直欲乘雲問帝閭

南運河舟中

長隄隄外盡河光保障長河屹若牆矮綠蒹葭高綠柳平

分天水界中央

過昭陽湖

篙艣無聲舟子閒
荻蘆兩岸水中間
溪禽磔格帆端正
飛過重重湖外山

草橋閘

聞經雁齒列雙雙
過到吳船第幾幫
水抱野村沿岸曲
槐陰蟬語入蓬窗

懋劍菴觀察下世妾井姬年二十五從容殉節因念
昔在汴垣馬蓬山遊戎鄭厚之幕府魏咸亭大令皆
有殉死之妾深歎芝無根醴無源迭欲有所表著以

不得事實無從著筆觸茲悲仰遂成是詞

此異說鵜鵜聞名未曾見意如景與卿光華復紉縵季世
望星雲料屬空凝盼詎知義烈事今又見蟬鈿昔者宦梁
園石歎韓陵片苦無壽世筆一作馨香薦劍菴賢觀察意
羞慙絳灌粹以粥振勞致此精神勸宛彼細弱質自誓泉
下願生死亦云大裁制迅劍斷閼幃仰金屑靈幙侍含飯
螻蟻要先驅追隨詎敢慢遂沈季倫珠不樓建封燕同時
皋不復傳聞咸讚歎騁維古人彰闡微權擅一篇貞烈
詞千載同悲惋况今親見聞能不致欽羨俚詞作疇矢冀
引鴻文燦巖巖鍾阜前汨汨淮流畔英靈定不泯海枯到

石爛挂世維綱常作歌代激勸
猗與靡筭曹慙愧鬚眉賤
鏡前偶置瓶花

新婦揚州閉置時尋芳那得到
茅茨一方明鏡如泓水蠟
檠梅花卵色瑩

蔭皆太守由廣信寄一縑用署
桑養蠶縑絲而成者
賦謝

遙緘密縷君誠積裁作春衫我
體諳他日秋風檢行篋同
思二老在江南

石蓮閣詩卷四終

石蓮閣詩卷五

庚辰以後詩下

海豐吳重熹仲樸

題星謀藤陰滄茗圖

乙亥

君家朱藤吾邑無垂陰接葉廳北隅昔時過訪坐清晝松
枝篝火扇風爐自從宦海事奔走三十年來無坦途百務
糾纏例束縛那有苦澀回甘腴遙憶故鄉好春夏綠陰不
用歌席鋪垂花簌簌武帝帳盤根夭矯狂顛書紫金百餅
截圓玉花蘂雙璣跳漚珠七盃每謂風生後一甌長及睡
足餘君今要挽伊洛轡陌頭五馬方踟躕希文不欲有茶
具子瞻何暇成調符召南甘棠美蔽芾隨堤楊柳栽扶疏

我昔舊遊君復去前後接踵歌嘯于他時二老謝簪組秋
風鄉味濃純鱸歸裝各倩碧豎理入林把臂還相呼我家
藤蔓亦成幄望衡對宇無差殊中冷泉水定滿載引君清
夢來江湖

題自製朱拓彝器圖

能奪宣和譜錄工不教衆黍不相同試將潑翠煙巒色幻
作珊瑚映日紅

己亥人日題李菽洲同年望萊堂詩文徵存

慕萊堂外多白雲慕萊堂上人殷殷白雲殷殷望親舍望
而不見空榆枌南康故是老萊籍我公來領南康軍築基

庇材建斯舍題榜乃見純孝純十年改官到白下繡衣淚
漬皋魚痕徵文志痛萃珠玉後先作者何紛紛我聞 聖

朝以孝治士夫而降賅齊民天經地義聖垂訓始於君親

終立身君今此慕貫存沒石齋斷謂身卽親

黃石齋先生自跋獄中所

書孝經云身卽是親親卽是天

可知致身卽盡孝身立吾親仍世存願與

齊年永此慕立身乃報

君親恩新寧劉公示我先世句

負米不到黃泉垠

封公句云半囊仲氏米負不到黃泉

孤兒讀之淚如涌親

歿富貴何足云嗟我小年痛孤露歲維乙卯連丙辰梧捲

館舍踵捐棄較君所遇尤悲辛環讀斯集觸風木畢逋私

念烏難伸題詩聊道人日例草堂附驥希千春

不遠千里言卷三
二
大風雨由眞渡江入揚

昨日船向金焦來今日船背金焦去來時打頭風船趕去
後淋漓雨如注黑雲倒垂白浪翻馮夷鼓舞潛蛟怒江山
勝概倏奔馬今古興亡如電露宋時四鎮佐中興魏公臨
江勤布置明時四鎮徒紛爭錯起南都成鐵鑄雖有天塹
在得人祖生擊楫成空渡方今歐亞正鷹瞵魚鱗鬣帆互
相屬盡將天險變樵場韓王一戰將無地乘風破浪且飛
來晚看危檣密如薺

平山堂

隔江山色如浮眉平視不嫌青撲面昔賢於此巧結構迤

邇蜀岡綿不斷十步一閣五步樓闕角鉤心土木賤四百
八十南朝寺對此或多失新豔烽煙堂宇化荆棘金碧回
頭成露電後人規復苦難全一隅何能還舊觀清泉碧瑩
第五名明月銀泥二分爛住持好是六一裔指點前型如
目見歌吹無從問竹西夕陽在山人影散

上元日登北固山坐淩雲亭望江

東來江水今古流淘盡人物成千秋吳頭蜀尾互連絡岷
峨發洩金焦收中間北固最雄傑甘露舊寺營山頭鐵鎮
國界衛公塔窗收多景南宮樓坡仙山谷共蘋藻至今祠
宇山阿留湘桂蔓延起兵火武昌破竹連瓜洲瓊花明月

慘殺戮鐵甕秋草森戈矛江南半壁盡蹂躪誰其補缺完
金甌中興胡曾偉一代長江全局通盤籌及時立功勉統
制小姑果與彭郎儔山有楊勇愍彭剛直兩祠小姑嫁彭郎奪小姑山時彭公戲語也至
今江山侍俎豆巍峩廟貌工新鳩我當佳節偶登覽窮薄
轉視江潭舟中流適見一舟覆名利性命眞浮漚有田無
田兩難計心爲境制將誰尤出山回首望雲木宦蹟勿滯
名山陬

哭邊潤民制軍

東南光隕動星文臺閣高名鼎鼎勳觸石新滋閩越雨豐
碑舊勒洛嵩雲一縑不受公能潔六法無私我媿恩痛洒

九原知己淚當年鵝鷺列同羣

舟泊台莊夜暑甚卧小划上

督漕連年在水鄉宵深炎暑莫逃藏瓜皮艇繫官航側
簾枕桃笙貼水涼

漕舟過昭陽湖

昭陽湖接南陽湖青山放眼連豐蕪路人具述春夏旱
彼蒼如靳玉與珠大魚潛身蟄泥滓小魚困轍難
昭蘇瓜皮艇子費推挽沒肝猶賴人相扶五月癡龍始睡足
月盡一雨回乾枯潢汙行潦畧有積運道幸得通舳艫
我督河漕忽三屆最於湖路稱安舒檣連十里風五兩張帆飽看山

嵐腴今年河水一衣帶船脣僅足敷濡儻非天瓢一灌
漑將無暮盪成憂虞迴憶秦郵好風景土圻兩岸龜文龜
蚌螺皚似霜雪白農田爭軋環吹噉一板停留一板繼陟
山難爲舸舩圖前人苦心巧結構能令八省無追述自從
軍興議改折轉輸江北存一隅四五百艘猶跋涉全漕儻
復將何如俯仰逝水爲太息海濤遙羨天風趨

家鄉人來言庾姪所理小園樹已拱把擬名之曰竹
遺而記以詩

阿咸橫卧六經秋手理園池今尙留碧綠桐陰紅柿葉聊
爲癡叔夢中遊

寄題王子獻同年昆玉髮冢圖

我昨遭風衛河道故人雪苑來雙魚中有奇氣虹貫月知
爲齊年髮冢新題圖齊年棣鄂各至孝椿彫萱茂難久廬
爰以薙髮瘞隧道毓生瑞草承芝趺大孝感天天預兆仲
氏夙策金縢書願延母壽請身代懷沙遺則循左徒我傷
蛄屺感杖杜人生誰似孤兒孤庸行奇行兩有媿聞談至
性空嗟吁每遇高山輒仰止微名驥尾心難無題詩儻獲
到禹穴汗顏下拜來珠湖

通州三謁潘文勤師祠

連番督漕近 神京一拜崇祠一淚傾四壁 賜題雲五

色卅年待漏月三更霜風蔀屋災民感秋水蘋花弟子誠
雞酒何時茭白蕩彭宣猶是老門生

俞曲園先生見過

靈光夙仰殿巍峩杖履今朝喜見過地入嫋嫋瞻學富春
歸林壑得天多玉堂祖父傳台鼎錦祿曾孫備印戈好繼
常州成盛事西湖又聽鹿鳴歌

蘇州謁文勤師墓

來租茭白蕩邊船寒食清明禁火天絳帳笙歌成往事白
頭弟子哭新阡風雲龍虎成千古文字蛟蛇壽百年遺墨
滿厨同尹相一回披讀一潸然

和總督劉公入 觀留別元韻

溫公勲業潞公年華髮羸教早上顛霄漢恩榮承 詔入
波濤忠信看帆懸內修外攘尊方叔 主聖臣賢頌子淵
曉日觚棱趨魏闕好抒籌策報 三天

賜壽天珍帶笑催 璇題綈錦跪親開威儀百禩欣重見

任江督者自尹文端後兩次賜壽 碩望三湘敘偉才 三年考績公以老成碩望與合肥相國均

從優敘議 民欲必從星好惡忠懷那計阪紆徊江南四莅關休

戚暫去仍教首屢回

兼圻懋績肇湘鄉前後謳思總不忘 湯文正曾文正遺愛坊並題民不能忘四

字 一代武功唐李郭 三朝謀畫漢平良築臺市骨招騏

驥向日和鳴引鳳凰不似吟詩杜工部猶留遺憾在川棠
樗櫟何分梁棟憂枉承牖戶贊綢繆步趨敢懈冰淵惕知
遇難償雨露稠鵷鷺兩行依籜節海天一柱峙中流願廣
鴻渚公歸早待迓前旌到石頭

題費耕亭先生篝燈課讀第二圖爲杞懷太史賦

禁煙風雨淒白楊久離邱壘思故鄉白雲何處有親舍起
讀書卷心悲傷武進先生嘉道際文章正始官循良人在
蓬萊峰第一擇鄰有教心難忘作圖王君記文毅前賢幾
輩垂琳琅父書祖硯遠三世續圖後卷輝金閭古來聖哲
多慈訓禾中錢母名尤揚夜紡授經傳畫幃文端奏進邀

天章時距周甲事繼美後先名跡同流芳我守兩河十
八載先生遺澤留汝旁至今萬戶青熒夜攻苦一燈無盡
慈恩長

庚子三月迓峴莊宮保於吳淞余晉珊沈靄蒼兩觀
察迭主東道賦此寄謝

兩行鵷鷺望旌旗爲迓檐幃此暫居我輩海門觀日出誰

家江水發源初

是日會者江浙閩鄂
齊晉江右獨少蜀籍

蕩來西子湖邊棹馳

盡奇肱路上車幸有河閒君子館如歸客免歎無魚

題許豫生觀察

貞幹

青燈課讀圖

孔孟無父兒作聖基母教天不滿西北慈恩成至孝繫惟

南閭裔鉅族稱閩中壽母元季行寡女悲絲桐珍此襦中
兒折蔓兼畫荻夙嫺灋罔訓不輟敬姜績一燈歷寒暑冰
蘖三十年策兒貢 明廷不負母所天夜紡授經圖禾中
荷 宸賞機聲燈影圖北江壽天壤孝子師此意報母千
秋名徵畫與徵詩泣淚恒沾膺徽音易爲往文者行之興
相得乃益彰可不珍重歟宮花襯萊衣齒博北堂榮痛我
黃泉路泥金終望斷題君青燈圖觸我青燈悲名行兩不
立爲我題者誰節孝萃一門末流眞砥柱熏香拜讀餘春
燈燼紅炷

費屺懷太史屬題丁太夫人牡丹畫幀

寫出沈香最上乘澄心紙嵌研繚繚福人昭代王淵雅淑
匹前朝管道昇

北堂遺墨抵箕裘太史珍藏五十秋

畫於辛亥

會見

宸章重

錫寵三吳母教媲南樓

袁浦行館坐雨

文書幸稀少夜雨午未歇小竹矮於人依依向階砌

奏派赴行在留別浦上紳民

欲去難忘淚眼揩後先兩月駐清淮依劉自分臣應死借

寇原知事不諧

時防拳匪南侵紳民稟留未准

要地成城須衆志時危濟

變勉吾儕使君何足闕民念慙媿香燈滿六街

過高郵北上

年年督漕渡春江如翦菰蒲夾去艘今日蘆花三百里都
含秋雪向蓬窗

將由汴赴秦遙憶汴中諸友

石頭城下挂帆旂久別梁園似客歸瓜步霜清漁火出蘆
花風起雁行稀九原舊雨誰能作幾點晨星望益微節近
重陽勞念我茱萸待佩故人衣

途中寄黃小宋陝州

昔時久宦梁王苑未得西游陝洛原今日麻鞋赴關隴訪
君來坐艤槎園

題王子獻同年墨蛻圖

蛇蛻已非蛇蟬蛻已非蟬形模雖略具不能全其天龜蠃
蛻欵識肇自趙宋年君家復齋翁拓本阮葉傳珪墨澄心
紙展讀餘新鮮相承至今日緱密始精研觥觥賢太守家
世節孝全餘事到文字累累陳鴻編黃鐘逮瓦缶印方兼
鏡圓曰甲乙丙丁四部羅堂前先藏本宏富劫火成雲煙
僅存三代器字在秦漢先幼子習篆籀模景付雕鐫繕本
進石渠祭酒爲拜箋餘一鱗片甲遺澤悲俱湮憲今赴
行在君遊羣洛邊預想一握手締此金石緣籃輿了詩債
冀免呵斥愆此身本遺蛻聊參文字禪

徐州尋燕子樓屢經移建非其故址燈下歸來得廉
生祭酒死事節略其孤自歷寄來感觸於懷不能自
已

三才峙鼎足天地參以人庸與草木腐節義獨千春建封
昔建節淹忽謝緇塵高樓遺孽妾嫠也守其眞白傳諷以
詩陸與金谷倫歌吹渺難卽霜月方如新今年遭浩劫簪
笏多逡巡繫歟許南閣獨與井鮒親雙壁痛沈月一星悲
絢晨旅燈讀遠訃雪涕霑重巾臣妾理一致家國誰能吟
美人香草思萬古無埋堙

星謀由大梁送至中牟記自戊辰在京聯牀今已三

十三年

昔年居近 液池波過往時鳴 帝里珂花夢重聯唐枕
被黍離同泣晉山河烽煙瀕洞馳鸛鰈荆棘荒涼弔駝
回首島西舊眠處青苔碧玉夕陽多

輿中卽目

柿林濃紫團成朶柏樹嬌黃散作行觀入萬株蒼翠裏天
然綠地錦明光

過鞏縣工部祠堂

六十年來奉公集今朝故里拜叢祠傷心烽火連三月何
日重吟劍外詩

葛宏墓

西去麻鞋謁 至尊烽煙何日靖中原故人盡節難迴首
怕過葛宏化碧邨

過武虛谷先生墓道

紅梨無限秋容豔路轉金灣近偃師林立道旁多刻石
捫蘿但讀武君碑

渡洛

王孟穀載有黑石渡次韻詩云千金立石作柱石長繩曳倒知何處王侯螻蟻盡邱墟擾擾行

人晚爭渡取關石作碑禁久弛矣

驅車過成皋來問黑石渡二樹山人碑尙存云是李郭同舟處北邙東向關西峙洛河洶涌奔騰去關東卽是宋諸

陵遠恃此關爲鞏固先時禁用此關石李氏光晷碑其故
壁間又龕西涯詞俯仰古今悲旦暮三泉多少知名人無
地能爲達魚素

磁澗道中

洛城纔過已深秋五夜新寒欲攬裘敗葉霜彫經雨脫層
雲風托訝山浮鶻聲南北評量宋澗水東西想像周汲得
井華堪漱齒飯餘花乳泛茶甌

迴雲寺

遙峯撲翠嶺橫青鞏縣西來第一亭輿馬徑衝市河去迴
雲寺外雨冥冥

澠池義昌驛

義昌驛裏逢重九藉草爲牀傍櫪眠迴憶年年簪菊會不知世上有戈鋌

潼關道中再柬星謀

穀函西去路迢迢第一雄關宛在霄祖席醪香留上若隔河山色界中條龍逢隧道增悲惋王濬樓船痛寂寥二古跡均

在明日山峯天外出愁腸可得劍芒銷

新豐柳

老葉深黃嫩葉青雨行金碧夾離亭折來欲寄無人寄辜負新豐此度經

游玉泉院

華趾舊宮觀錯置如基布恢廓首雲台竄敗失故步玉泉
以泉名冬來泉亦涸但餘石輪囷清溜想吞吐崖間勝石
碣題是圖南墓嵌竇卧石像豈真公睡處大石曰山孫額題
燕山圓亭立如鷺鑿磴躡以升危欄憑不怖迤北艤石船篷
窗記洞溯無迺張融家牽來岸上住西曰無憂亭兩廂夾
奇樹虛中幹連蜷排條枝桂栢奇根似榕盤柔葉認桑誤
當年竹葉亭游記未曾註觀或曰仙宮宮或曰太素循徑
小流連蒼煙已日暮惆悵青柯杵杳如隔煙霧仰首青蓮
花何時覺仙路

卧龍寺雪

僑寓僧寮十月天滿庭竹柏盡瑩然炎劉當日無兵火樂得平安對雪眠

十月七日偕姚師雲編修李莘夫徐梧生兩農部徐

蓉生太守同游城南牛頭寺

本名福昌寺在樂遊原上前卽樊川遠瞻秦嶺

育子
美祠

寒雨沐郭門陰嶺皚積雪連袂趁暖晴相尋韋杜轍九衢
留泥淖輪石互憂鬱林垌得曠夷恍如鳥出閑迎面終南
山迤邐各就列高蹠名太白天外峙巖嶧飽此兩眼青撲
去五斗潔西瞻薦福塔痕仍昔日裂漸東過慈恩和藹無

風烈不覺廿五里琳宮半崖綴拾級苦蜿蜒借杖補蹙蹙
森爽氣依然秦川與掌塢唐時少陵原杜祠認綽楔庭堂
作營壘神靈病狎蝶何異浣花翁遭時在机隍同谷與羌
村等此應無別蘋花無地采何以代奠醴摩挲圯下幢此
寺最古碣苦筍不成林猶自爭滕薛孤僧汲山泉中冷比
清冽茗飲未生風僕夫報日暎工部昔盛游華筵最高設
歌聲與舞袖久久風流絕卽我昔年來屐痕全泯滅四十
又七年光陰同一瞥馬疲愁路長歸鞍如舵捩回首謝山
靈後緣可能結

慈恩寺

七寶裝嚴塔七層
褚書兩碣具波棱
循闌欲上遲迴久
金鼓關山不忍登

出潼關

河帶殘冰泛若鷗
跳珠戛玉下中流
寒雲華嶽迷仙掌
曉日潼關鎖堞樓
飲馬長城防上谷
投鞭天塹恃中州
愁腸萬斛湔難盡
不爲湯泉一少留

獨立

霞烘月魄泥銀珥
雨過天光卵色蜚
寂寞空庭人獨立
夕陽西下已多時

中牟道中

黃榆白草路茫茫玉糝平沙曉帶霜料是五更鈴鐸過馬
蹄遺跡兩三行

聞與沈絜齋觀察途中相左卻寄以詩

仙仗離京已閱秋麻鞋互走未相侔灞橋風雪長安道瓜
步颿檣太白樓去秋督漕
晤於濟甯竹馬兒童迎洛下梅花約會訂
蘇州八閩好附颿輪去忠信波濤定不謀

楊集雪行

杈桎萬重玉樹立海底徧長白珊瑚天明衝寒出店去愁
煞蹙蹙雙疲驢

遙憶太湖光福鎮縱橫萬樹千樹梅忽疑一夜東風至寒

香玉蕊同時開

曉行所見

旭日如車輪陰雲上下沍一綫射殷紅透出重重樹

穆宗毅皇帝忌日

猶憶天崩日攀髯慟莫頌嘉平端五日同治十三年

異聞錄唐

明皇以八月五日生宋文貞公璟表云月惟仲秋日在端五凡月之五日皆可稱端五也

題侯東洲甲午江南秋闈高會圖

皇帝二十年太歲在甲午行省開鄉闈兩序貢璜琥江左
古名區人文萃淵藪監臨東陽公愛才信陵伍虛左迎侯
生成風資匠斧延已觥觥才叔度汪汪宇

主試爲馬蓮堂學士黃叔頌編

修冰鑒與玉衡盛榜開龍虎一時分校才崢嶸不能數九

思習漢志

敬儒注有漢書地理志注

子淵頌聖主賓客富詞藻

謂柯敬儒王篤

臣劉冠一

三大令 三君我鄉土惟君豎巨擘赤緊有治譜甄拔重

寒峻輪轍副規矩得士共傾杯談文暢揮塵鴻雪留此跡

宦游伴圭組是年賤子賤命尹開封府棘闥司巡邏循牆

聽譙鼓丙申移金陵識君公路浦掀髯傷世變議論快風

雨春秋忽七閱時局末强弩六龍愴西幸折衝無禦侮遂

令庚子科詔待明年補格律陋五言章句厭八股誰歎才

士才但笑腐儒腐題君高會圖起我祖生舞安得濟川人

大義驅今古新舊勿狺狺同作中興輔

恩藝棠方伯達幼文徐叔鴻沈霽蒼郭月樓四觀察
同聚予秦淮寄寓霽蒼成詩索和

秦淮水凍冰皚皚銷寒置酒陳金罍簪裾之盍古有慶衡
鼓罷響傳箋催金陵勝朝最繁豔牙牌爭挂歌樓隈自從
五侯列第宅輕煙淡粉靈池灰揚州貴人例閉置輿中新
婦顏難開擊犒馳馬那得預蠟淚數尺高成堆西園偶然
作雅集擲錦各欲搜瓊瑰僉稱此會已云樂酒戶分倒紅
螺杯今年六龍愴西幸咨嗟地轉悲天迴麻鞋霜雪飭
奔走拾遺涕淚心同摧返棹江南暫萍寄難得舊雨鳴珂
來新亭不免晉人泣野老時述江頭哀近者欸書馳絡繹

哀痛 詔旨傳風雷乾坤整頓賴羣策聞雞志節捫蝨才
杞梓梗枿各異用輪囷枝幹由培栽羽毛齒革本自有胡
借異地方呈材鏹濠收闕在春莫櫻桃及薦紅珠胎吾曹
今適際封篆白戰陣尾欣追陪行將先後赴閩海一枝互
贈官齋梅

題徐叔鴻蜨僊三影畫卷

傳是元臣
盡節者

萇宏碧血無地藏栩栩變化如蒙莊太湖三萬六千頃仙
靈不住住太常濱州高陽兩文正仙緣夙締聞能詳風雪
千里無間隔銀槎春酒供鵝黃佚事傳說四十載媿我塵
俗恒悽惶手追心摹豈眞面誰爲圖畫師滕王東海方伯

世忠孝丙舍猶見仙飛翔招邀詩僧繪行看儼如曬粉當
春陽貞魂毅魄古不沒物化往往神無方杜鵑啼血記蜀
道精衛銜石填滄桑瓊霄內史識此意家國之恨心難忘
每見忠義若同氣相逢一醉恣徜徉吁嗟乎布衣真人起
滌泗有元一代成興亾慶童康伯祇埋沒余闕李黼同馨
香

劉聚顧觀察邀同繆炎之太史徐叔鴻郭月樓俞恪
士汪叔芾趙香圃濮青士傅茗生七觀察同游靈谷
寺遇雨歸途並瞻拜明祖孝陵賦呈二十韻

菜花金散迎人香東風三日愁春暘昨宵星斗尙璀璨忽

然一兩山蒼茫賓客招邀訪名跡各就籃筍拋輕航出城
驟喜脫闌闌相逢已有人緇黃遠山還抱合沓勢近址屢
越陂陁岡豐坊兩柱屹白玉故宮一帶圍紅牆神烈山碑
負願最無量殿瓦飄鴛鴦晉時誌公墓田好明祖遷之靈
谷旁穿林渡澗那遽到石徑一綫盤羊腸定惠棠移紅策
簌淇泉竹繞青篴管八功德水應祈禱漫山甘澤歡耕氓
餘勇披簑杖藜鼓孝陵石甍鬚髯蒼銅鋪石礎盡兵燹六
百年事嗟荒涼昔宦屯田隸水部 弓劍痛值 橋山藏
石象生器屏不用 先皇儉德尤明彰特奉名山號 天
瑞地祇呈異山靈踰天壽故陵虛廢棄增修飭祀儀文詳

我朝厚德古無有直與覆載同久長每逢 踐祚及

升祔歷代陵寢皆裸將冬青樂府彼何酷世運於此觀興

亡

題姪外孫女冷蕙貞畫花竹秋蟲長卷

窗外秋籬目寫生尺波叢篠費經營幽閨時有聞根趣天
籟飛來紙上聲

將之閩任途中寄呈新寧宮太保

久築籌邊第一樓勲臣事業在千秋桓寬議論關鹽鐵羊
祜風流緩帶裘無厭拒將回紇請強鄰消釋契丹憂一身
天下安危系豈爲江南半壁留

慙媿毳毼不舞禽四年教誨被恩深寒蛩猶抱鳴秋志下
駟仍存伏櫪心榮利敢云能淡泊公有淡於榮利之褒雪霜漸覺老
侵尋兩河作守臣猶壯抱著枯桐沒賞音

戟枝影裏別春旂閩海東南問所之石轉應輸心不沫河

清詎謂見無期

頻行以再侍爲祝公曰吾七十矣知能待汝否相對潸然

陸莊年不

關豐歉程雪門思立透迤夙諗一縑公不受三升清淚當

酬知

閩臬署雜詠

入門一徑夾雙流水珮風裳夏似秋荷葉香清花韻遠筍
輿過處宛如舟

齋高幽敞透晴光南檻風來北檻涼無縫綠雲排檻外倒
涵竹影小方塘

東園一百本芭蕉不爲風搖爲雨搖蠟粉泥牆攔不住怒
芽橫出走廊腰

門榜榕盒壯繆祠祠旁叢篠蔭清池晚來不斷投林響碧
綠濃陰白鷺鷺

曉露枝頭摘荔枝井華新汲浸名瓷分嘗百果饒醫否紅
擘霞裳玉築脂

城中小市近魚蝦海氣餘腥買到家石首長年來不斷不
須棟子候開花

名泉汲得性溫良不數驪山玉螯方最是晚涼新浴好湯
門門外水如湯

同治甲子歲家居與庾生梅丞仲韋同學夜逢涼月
聯作長歌隨手棄擲未嘗存稿辛丑六月十六夜提
刑在閩獨坐東軒亭上雲月瑩明偶憶昔詩僅記首
聯庾生倡予續之也三人均歸泉下傷我獨存聯綴
成篇以志吾愴

流雲馭風月倒行月輪碾雲如有聲月移雲動互吞吐眼
前頃刻殊陰晴人生蜉蝣寄天地亦如雲月相光明回頭
三十八年事陳跡一一成蟬驚阿咸聯翩掇高第柱下一

楊依南橫連番抗疏爲法越失官客死悲任城梅丞秋榜

備列宿

名次二十八

橐筆京邸方崢嶸長吉嘔血竟不起勇節

遺澤天何輕仲章老大始拔萃三晉作宰錢不名平原竟
以病酒卒吾姊四子今無甥惟我樗材不中斧斲曲猶得
貪春榮連枝接葉不復得孤根霜露時虞傾今年四月到
海閩蠻煙蜚雨連三更忽逢圓靈開朗霽長歌獨唱無同
賡舊時聯句偶觸念洞仙歌補新詞成九原親故儻可作
良宵鬬韻還相爭黑頭綠鬢總黃土風燈縱在嗟殘燼須
臾雲掩月西墮夢中應慰鄉關情

夏夜

飯罷茶餘散晚涼高低臺樹接迴廊檻螢避扇光歸樹窗
竹因燈影畫牆疏響到蕉知雨過輕陰奪月看雲忙簪纓
何必非蘿薜自覺閒中却掃方

傅子式花延年室印譜

石印刻手推文何大江南北名巍峩國初櫟下樹赤幟高
名梁苑齊牟駝程鄧振起皖南北鄭汪耀采平山阿其間
西泠推最盛丁黃吳蔣連枝柯傅子示我印七冊云三十
載虔護呵二陳後起法尤叔六家風韻皆殊科脂紅肪白
截花乳犀象角齒兼紛羅紫砂或傳出時龔名密又謂成
官哥款題紛雜行並楷結體古奧隸與蚪煙煤精拓露波

磔珊瑚細屑經研磨文房精鑒有如此元璫宋槧同切磋

君藏書多精本

吾東好古亦有士安邱張氏傳尤多松巖南阜與

未谷僂指亦各新紋螺海濱病史

陳壽老

發願力萬印宏量

如江河印人著作此觀止外懼不敢森矛戈先臧官私亦
千拓裝池再請供吟哦題詩代別不忍送案頭一日三摩
拏

胡硯蓀督糧招集衙齋與繆小山太史徐叔鴻沈幼

彥余恪士劉聚廩濮青士五觀察用西法拍照小像

首倡一詩和韻

嚴滄浪詩話謂和韻詩本朝諸賢以此闢工往復有八九和者故吾二人

詩止于七聯以避滄浪之譏也

瀟灑衙齋互主賓舊時魚鳥又相親幸逢北海能留客最
喜西湖付有人歸路不忒閩嶠月朝天又踏帝京塵
前賢雅集能千古欲倩龍暝爲寫真

再用前韻

同舟集若雁來賓宦味蕭條氣味親紅杏爭酬開春句綠
楊曾作隔牆人嬾懷我羨倪高士潔癖君如段去塵書畫
天饒鷓鴣福一園花鳥待傳真

三用前韻

山若環滁歡眾賓雨餘燈火夜涼親詩城早築甘降將酒
政無苛避迫人慙媿侯羸居左席莫逢庾亮拜前塵差如

洛下耆英會如約盤飧踵率真

四用前韻

設問西都有上賓荒飡聲病又重親偶存弄斧呈材意應
作抽帆勇退人往事電光兼石火前程墜露與輕塵十洲
卽在吳門市吏隱誰如梅子真

五用前韻

受壁齋宜設九賓聯篇珠玉見情親馬良有媿白眉舉阮
籍蒙加青眼人宦轍兩年鴻爪雪前途十丈馬頭塵櫻紅
蕉綠園中有批抹新詞和淑真

六用前韻

禿殘湘管蝕龍賓
諷諭都歸肺腑親
建白毫無深媿我
雌黃口利但憑人
偶尋松島同消暑
那有桃源可絕塵
近刻詞人山左集
惜無雅什效清真

七用前韻

蹤跡飛蓬本不賓
同舟作楫倍相親
心來蓮上都成佛
語到蘆中大有人
雲水山光三合市
去來今事六根塵
明湖又觸純鱸夢
愜遇須知在蘊真

重到保陽藩署

回頭五十又三年
古柏唐槐尙儼然
增得幾番霜露感
此情能否達黃泉

李岳星贈畫有杏花春雨詞意隨題一詩時嘉平十

六日也十七日而有駐滬之命詩若爲兆焉

杏花春雨雨潺潺六載江南兩鬢斑
遠道音書望魚素深
宵殘夢見刀環一江別意東流水
幾點羈愁北固山猶有

巢痕寄白下可能燕子再飛還

來時南京租
寓尙未退

石蓮閣詩卷五終